

辨證錄卷之四

山陰陳士鐸敬之甫號遠公又號朱華之著述

會稽陶式玉尚白甫號存齋又號

參訂

五鬱門

人有心膈飽滿作脹時或腸鳴數欲大便甚則心疼兩脇
填實為嘔為吐或吐痰涎如嘔清水或瀉利暴注以致
兩足而肘腫漸漸身亦重大此等之病初起之時必襍
然亂治及其後也未有不作蠱脹治之誰知乃是土鬱
之病平土鬱者脾胃之氣鬱也內經將土鬱屬之五運



之氣而不知人身五臟之中原有土鬱之病正不可徒
咎之歲氣而不消息其臟腑之氣也夫土氣喜於升騰
不喜下降肝木來侮則土氣不升肺金來竊則土氣反
降不升且降而土氣抑鬱而不伸勢必反尅夫水與水
既受尅不敢直走於長川大河自然泛濫於溪澗路徑
遇淺則瀉逢窾必鑽流於何經卽於何經受病治法宜
疏通其土使脾胃之氣升騰則鬱氣可解然而脾胃之
所以成鬱者雖因於肝木之有餘與肺金之不足然亦
皆脾胃之氣素虛則肝得而侮肺得而耗也倘脾胃之

五鬱以該
水鬱論得
極是

氣旺何患成鬱哉故開鬱必須補脾胃之氣補脾胃而
後用奪之之法則土鬱易解耳方用善奪湯茯苓二兩
車前子三錢白朮三錢柴胡一錢白芍五錢陳皮三分
半夏一錢水煎服連服四劑而諸症漸愈此方利水而
不走氣舒鬱而兼補正不奪之奪更神於奪也何必開
鬼門泄淨府始謂之奪哉

此症用疏土

湯亦佳

白朮茯苓各一兩肉桂三分柴胡五分白芍
三錢枳殼三分半夏五分水煎服四劑愈

人有咳嗽氣逆心脇脹滿痛引小腹身不能反側舌乾喘



燥面陳色白喘不能臥吐痰稠密皮毛焦枯人以爲勝

氣之燥也而不知乃是肺氣之鬱夫肺氣之鬱未有

先爲心火所逼而成然而火旺由於水衰腎水不足不

能爲肺母復仇則肺金受虧而抑鬱之病起然則治肺

金之鬱可不泄肺金之氣乎雖然未可徑泄肺金之氣

也必須入補腎水水足而心火有取資之樂必不再來

犯肺是補腎水正所以泄肺金也方用善泄湯熟地一

兩山茱 五錢玄參一兩荆芥三錢牛膝三錢炒棗仁

三錢沙 三錢貝母一錢丹皮二錢水煎服一劑輕一

察驚明則

已天心火

無水自然

燼物肺金

受燥所不

必肺補水

滋火而肝

金自長矣



劑又輕十劑全愈此方滋腎水以制心火實滋腎水
救肺金也肺金得腎水之泄而肺安腎水得肺金之泄
而水壯子母同心外侮易制又何憤懣哉此金鬱泄之
之義實有微旨也

此症用和金

湯亦效

麥冬五錢蘇葉一錢桔梗二錢甘草一錢茯苓三
錢黃芩一錢半夏五分百合三錢水煎服四劑愈

人有遇寒心痛腰膝沉重關節不利艱於屈伸有時厥逆
痞堅腹滿面色黃黑人以為寒邪侵犯也誰知是水鬱
之症乎水鬱之症成於土勝木復之歲者居多然而脾

水鬱由於
水虛亦不
易論

胃之氣過盛肝膽之血太燥皆能成水鬱之症也然
治法何可舍脾胃肝膽四經而他治水鬱哉雖然水鬱
成於水虛而水虛不同水有因火而虛者真火虛也
有水而虛者真水虛也真水虛而邪水自旺真火虛而
真水益衰大約無論真火真水之虛要在於水中補火
火足而水自旺水旺而鬱不能成也方用補火解鬱湯
熟地一兩山藥五錢巴戟天五錢肉桂五分杜仲五錢
薏仁五錢水煎服連服四劑自愈此方於補火之中仍
是補水之味自然火能生水而水且生火水火兩濟何

鬱之有正不必滋肝膽而調脾胃也

此症用瀉水

湯亦效

白朮一兩杜仲三錢山藥一兩薏仁芡實
各五錢防已桂枝各五分水煎服四劑愈

人有少氣脇腹胸背面目四肢填脹愆時而嘔逆咽喉

腫痛口乾舌苦胃脘上下忽時作痛或腹中暴疼目赤

頭暈心熱煩悶懊懣善暴死汗濡皮毛痰多稠濁兩顴

紅赤身生癩瘡人以爲痰火作祟也誰知是火鬱之病

乎夫火性炎上火鬱則不能炎上而違其性矣五臟之

火不同有虛火實火君火相火之異然火之成鬱者大



龍火不鬱
不發過鬱
亦不鬱
不發

約皆虛火相火即龍雷之火也雷火不鬱則不發動過
於鬱則又不能發動非若君火實火雖鬱而仍能發動
也故治火之鬱者治虛火相火而已矣既曰虛火則不
可用瀉既曰相火則不可用寒所當因其性而發之耳

方用發火湯柴胡一錢甘草一錢茯神三錢炒棗仁三
錢當歸三錢陳皮三分神麴炒梔子各一錢白芥子二
錢白朮二錢廣木香末五分遠志一錢水煎服一劑而

火鬱解再劑而諸症愈矣此方直入胞絡之中以解其
鬱悶之氣又不直瀉其火而反補其氣血消痰去滯水

遂其炎上之性也或疑龍雷之火在腎肝而不在心包
今治心包恐不能解龍雷之火鬱也殊不知心包之火
下通於肝腎心包之火不解則龍雷之火鬱何能解哉
吾解心包之鬱火正所以解龍雷之鬱火也不然心包
之鬱未解徒解其龍雷之火則龍雷欲上騰而心包阻
抑劈木焚林之禍必且更大惟解其心包之火則上火
既達而下火可以漸升且上火既達而下火亦可以相
安而不必亢矣此治法之最巧者也

此症用通火

湯亦妙

白芍立參麥冬各一兩生地五錢甘草一錢陳皮五分
分荆芥一錢白芥子二錢茯苓三錢半夏八分水煎
服一劑而鬱解
矣二劑全愈

人有畏寒畏熱似風非風頭痛頰疼胃脘飽悶甚則心脇
相連填脹膈咽不通吞酸吐食見食則喜食完作楚甚
則耳鳴如沸昏眩欲仆日不識人人以為風邪之病誰
知是木鬱之症也夫木屬肝膽肝膽之氣一鬱上不能
行於心包下必至刑於脾胃人身後天以脾胃為主木
尅脾土則脾不能化矣木尅胃土則胃不能受矣脾胃
空虛則津液枯槁何能分布於五臟七腑哉且木尤喜

五臟真氣

六鬱則五

六鬱則五



癩皆鬱舒

肝膽二鬱

前立鬱盡

舒又不可

却

水脾胃既成焦乾之土則木無水養尅土益深土益燥

矣土益病則土不生肺而肺金必弱何能制肝肝木過

燥愈不自安而作祟矣治法宜急舒肝膽之木氣然徒

舒肝膽之氣而不滋肝膽之血則血不能潤而木中之

鬱未能盡解也方用開鬱至神湯人參一錢香附三錢

茯苓二錢白朮一錢當歸二錢白芍五錢陳皮五分甘

草五分炒梔子一錢柴胡五分水煎服一劑而鬱少解

再劑而鬱盡解也此方無刻削之品而又能去滯結之

氣勝於逍遙散多矣或疑鬱病宜用解散之劑不宜用



補益之味如人參之類似宜斟酌殊不知人之境遇不
 常拂抑之事常多愁悶之心易結而木鬱之病不盡得
 之歲運者也故治法亦宜變更不可執鬱難用補之說
 棄人參而單用解散之藥况人參用入於解散藥中亦
 既無傷而鬱又易解者也

此症用舒木

湯亦效

白芍當歸各三錢川芎荆芥鬱金蒼朮各二錢香附
 車前子猪苓甘草各一錢青皮五分天花粉一錢水
 煎服四劑愈

人之鬱病婦女最多而又苦最不能解倘有因臥終日癩



痴不語人以爲呆病之將成也誰知是思想結於心中

氣鬱而不舒乎此等之症欲全恃藥餌本非治法然不

恃藥餌聽其自愈亦非治法也大約思想鬱症得喜可

解其次使之大怒則亦可解蓋脾主思思之太甚則脾

氣閉塞而不開必至見食則惡矣喜則心火發越火生

胃土而胃氣大開胃氣既開而脾氣安得而閉乎怒屬

肝木木能剋土怒則氣旺氣旺必能冲開脾氣矣脾氣

一開易於消食食消而所用飲饌必能化精以養身亦

何畏於鬱乎故見此等之症必動之以怒後引之以喜

喜能解鬱

人易知怒

能解鬱

知矣遠公

簡齋會精



而徐以藥餌繼之實治法之善也方用解鬱開結湯白
 芍一兩當歸五錢白芥子三錢白朮五錢生棗仁三錢
 甘草五分神麴二錢陳皮五分薄荷一錢丹皮三錢
 參三錢茯神二錢水煎服十劑而結開鬱亦盡解也此
 方即逍遙散之變方最善解鬱凡鬱怒而不甚者服此
 方無不心曠神怡正不必動之以怒引之以喜之多事

耳

此症亦可用打木湯加梔子一錢神麴五分殊效

方見前



咳嗽門

人有驟感風寒一時咳嗽鼻塞不通嗽重痰必先清後瀉
畏風畏寒此風寒入於皮毛肺經先受之也夫肺之竅
通於鼻肺受風寒之邪而鼻之竅不通者亞隔肺金之
氣已肺竅既不能通而人身之火即不能流行於經絡
而火乃入於肺以助風寒之黨矣故初起咳嗽必須先
散風寒而少佐散火之劑不可重用寒涼以抑其火亦
不可多用燥熱以助其邪用和解之法為最妙如甘桔
湯小柴胡湯是也然而世人往往以小恙不急治者多

矣久則肺氣虛而難愈則補母補子之道宜知也補母者補其脾胃也補子者補其腎水也似乎宜分兩治之法以治久咳久嗽之症而余實有兼治之方既有利於子母而復有益於咳嗽毋論新久之嗽皆可治之以取效也方用善散湯麥冬三錢蘇葉二錢茯苓三錢玄參二錢甘草一錢黃芩八分天門冬三錢欬冬花五分貝母一錢水煎服此方用麥冬天冬以安肺氣用茯苓甘草以健脾胃之土用玄參以潤腎經之水用蘇葉欬冬花以解散其陰陽之風邪又加黃芩以清其上焦之火



貝母以消其內膈之痰斟酌咸宜調劑皆當故奏功取

勝耳

此症亦可用

寧嗽丹

蘇葉甘草天花粉天冬款冬花各一錢桔
梗生地各三錢麥冬五錢水煎服二劑愈

人有風寒已散而痰氣未清仍然咳嗽氣逆牽引腰腹俛

仰不利人皆謂必須治痰之為亟矣然而治痰而痰愈

多嗽愈急咳愈重者何也蓋治痰之標而不治痰之本

耳痰之標在於肺痰之本在於腎不治腎而治肺此痰

之所以不能去而咳嗽之所以不能愈也人生飲食原



宜化精而不化痰惟腎氣虛則胃中飲食所化之津液

欲入腎而腎不受則上泛為痰矣蓋因胃中所化之津

液無多不足以濟肺之乾枯而心火轉來相奪則津液

不能滋肺反化為痰涎而外越矣然則治法宜大補其

腎水使腎水汪洋既能制心火之有餘更能濟肺金之

而足心火不敢相奪胃氣又復相安自然津液下潤腎

經獨受化精而不化痰矣方用熟地二兩麥冬二兩甘

草一錢柴胡一錢白芍五錢水煎服此方即子母兩富

湯加味者也以熟地大滋其腎水以麥冬大安其肺金

除虛咳
枯最多
非大補腎
水烏能濟
事此篇方
論救世不
淺



加芍藥柴胡甘草以舒其肝膽之氣使其不來克脾胃
之上則脾胃之氣易於升騰上使救肺而下可救腎且
邪亦易散實有鬼神不測之妙也

人有久嗽不愈用補腎滋陰之藥不效反覺飲食少思強
食之而不化吐痰不已者人以爲肺經尚有邪留於胃
中而不知乃脾胃虛寒不能生肺使邪留連於中脘而
作嗽也夫肺金之母脾胃二經之土也土旺則金旺土
衰則金衰不補母以益金反瀉子以損土邪卽外散肺
且受傷况尙留餘邪未散乎母怪其久嗽而不愈也然



則治之之法不可僅散肺之邪而當急補肺之氣不獨
僅補肺之氣而尤當急補脾胃之土矣然不可徒補脾
胃也蓋補胃必須補心包之火而補脾必須補命門之
火心包生胃土命門生脾土實有不同耳然而胃病則
脾必病而脾病則胃亦病也吾補胃而即兼補脾補脾
而即兼補胃未嘗非肺金之所喜肺喜正氣之生自惡
邪氣之尅不必治嗽而嗽病自已矣方用補母止嗽湯
白朮五錢茯苓五錢人參一錢陳皮三分甘草一錢蘇
子一錢半夏一錢桔梗二錢麥冬五錢紫苑一錢肉桂

五分水煎服一劑而嗽輕二劑而嗽更輕四劑而嗽金
止矣此方乃補脾胃之聖藥加入肉桂以補心包命門
之二火一味而兩得之也又恐徒治脾胃之母置肺邪
於不問增入補肺散邪之味則子母兩得而久嗽安得
不速愈哉

此症用助金

湯亦佳

人參三錢甘草欬冬花各一錢白朮百合各五錢茯
神二錢肉桂炮薑蘇葉百部各五分半夏三分水煎

服四

劑愈

人有咳嗽長年不愈吐痰色黃結成頑塊凝滯喉間肺氣



不清用盡氣力始得吐出於口者此乃老痰之病也年
老陽虛之人最多此症然用消痰清肺之藥往往不驗
者蓋徒治其痰而不理其氣也夫痰盛則氣閉氣行則
痰消老年之人孤陽用事又加氣閉而不伸則陽火熾

熬遂成黃濁之痰氣虛不能推送故必咳之久而始能

出也方用六君子湯加減治之人參五分白朮五錢茯苓

苓三錢陳皮五分柴胡五分白芍一兩白芥子三錢甘

草一錢梔子一錢水煎服二劑而痰變白矣四劑而痰

易化矣十劑而咳嗽盡除補陽氣之虛開鬱氣之滯



治
在補
牙
之
主

痰結之塊，社久，謂之火有資益而無刻削，則老痰易化，而咳嗽易除也。倘徒用攻痰之藥，則傷氣必傷，而痰又難化，格格難吐，何日是清快之時乎？

此症用化老

湯亦生

人參三分 白朮一錢 生地二錢 款冬花三分 白芍地骨皮各三錢 柴胡四分 甘草一錢 麥冬五錢

水煎服四劑

輕十劑愈

人有陰氣素虛，加氣惱，偶犯風邪，因而咳嗽，人以散風

祛邪之藥治之，而愈甚。此不治其陰虛之故也。然而徒

滋其陰，而肝氣未平，則木來侮金，咳亦難已。法宜平肝



而益之以補水之劑則水能資木而木氣更平也方用
平補湯熟地一兩麥冬一兩甘草五分白芍一兩柴胡
一錢人參五分茯苓三錢天花粉二錢百合五錢炒黑
荆芥一錢水煎服此方大補肺腎肝脾之四經而尤能
解肝氣之鬱肝經鬱解而肺經風邪亦不必祛而自散
矣人謂補腎補肺平肝足矣何又兼補脾胃而用人參
耶不知三經之氣非脾胃之氣不行吾少加人參茯苓
以通之則津液易生而腎肝肺尤能相益也

此症用海帶

湯亦效

白芍 熟地 麥冬 各五錢 甘草 柴胡 香附 各一錢 陳皮
三分 白朮 立參 各三錢 天花粉 五分 蘇子 一錢 水煎

劑愈

人有久咳而不愈者口吐白沫氣帶血腥人以為肺經之

濕也而不知實肺金之燥苟肺氣不燥則清肅之令下

行而週身四達何處非露氣之下潤乎不特腎水足以

上升而交於心亦且心火下降而交於腎不傳於肺矣

心火既不傳於肺金曾何傷燥之慮哉惟其肺氣先已

匱乏高源之水無有留餘之勢而欲下澤之常盈以上

供於肺金之用此必不得之數也治法自宜專潤肺金



辨證錄
之燥矣然潤肺金之燥而腎火上沖則肺且救子之不
暇何能自潤此肺腎必宜同治也方用子母兩富湯熟
地二兩麥冬二兩水煎服連服四劑而肺金之燥除腎
火之乾亦解譬如滂沱大雨高低原隰無不霑足既
燥竭之虞寧有咳嗽之患倘失此不治或治而不補益
其肺腎轉盼而毛痺色弊筋急爪枯咳引胸背弓疼兩
脇諸氣膈鬱諸痿喘嘔噎塞血泄種種危候相因俱見
矣又用何藥以救其焦枯哉

此症用夜露

飲亦少



熟地麥冬茯苓各一兩山茱萸五

錢貝母五分水煎服十劑全愈

人有久病咳嗽吐痰色紅有似嘔血而實非血也盜汗

瀉腸鳴作泄午後發熱人以爲腎經之邪火大盛將欲

腎邪傳心也誰知是脾邪之將傳於腎乎此症初因腎

水乾枯腎經受邪腎乃傳心故發熱而夜重未幾心邪

傳肺故咳嗽而汗泄未幾肺邪傳肝故脇痛而氣壅未

幾肝邪傳脾故腸鳴而作泄今既盜汗淋漓腸鳴作泄

乃肺邪不傳肝而傳脾也邪不入腎肝尙有可生之機

亟宜平肝滋腎使邪不再傳則肝平而不與肺爲仇腎



滋而不與心爲亢再益之健脾之品使脾健而不與腎
爲耗自然心火不刑肺而生脾脾氣得養而肺氣更安
矣方用轉逆養肺湯白芍五錢麥冬三錢茯苓三錢
參二錢熟地五錢山茱萸五錢北五味二錢車前子一
錢地骨皮三錢丹皮三錢牛膝一錢破故紙五分貝母
一錢水煎服連服十劑而氣轉再服十劑而痰變爲白
再服十劑而泄止腸亦不鳴也此方本非止泄之藥蓋
泄成於陰虛補其陰而泄自止陰旺則火息不去燥金
金安則木平不去尅土所以消痰而化其火炎之色止

泄而撤其金敗之聲故腸鳴盜汗盡除而咳嗽亦愈矣

此症用止傳

易亦妙

熟地二兩玄參百合各一兩白芥子二錢荆芥
錢茯苓三錢沙參三錢地骨皮五錢桑葉十五片

少煎服十劑
輕三十劑愈

人有春暖夏熱則安然不嗽一遇秋涼即咳嗽不寧甚至

氣喘難臥人以為肌表之疏泄也誰知是鬱熱之難通

乎夫人身之氣血流通於肌肉之內則風邪不得而入

惟氣血閉塞不通而邪轉來相侮凝滯而變為熱矣蓋

春夏之間皮膚疎泄內熱易於外宣秋冬之際皮膚緻

身傷暑熱
秋必病嗽

碎登錄

卷之四 咳嗽

五



然則秋冬之咳嗽仍
是夏間犯之勿謂夏
日受熱不歸於肺
孰謂

密內熱艱於外發所以春夏不咳嗽而秋冬咳嗽也倘
不治其鬱熱之本而惟用發散之品徒虛其外愈不能
當風寒之威徒耗其中益轉增其鬱熱之勢均失其治
之之法也所貴攻補兼施既舒其內鬱之熱而復疏其
外入之寒則本既不傷而末亦易舉也方用當歸五錢
大黃一錢 貝母二錢 天花粉三錢 薄荷二錢 荆芥二錢
甘草一錢 白朮三錢 陳皮三分 神麩五分 黃芩二錢 桔
梗二錢 水煎服 四劑 秋冬之時斷無咳嗽之症矣
蓋大黃走而不守用之於祛入消痰之中通鬱最速以



得當歸之補而不滯白朮之利而不攻同隊逐羣解
開結內外兩益矣

此症用鬱金丹亦甚效

白芍桔梗各三錢撫芑二錢白芥子茯苓生地各
三錢甘草款冬花各一錢水煎服一劑輕二劑愈



三... 各... 益...
 世... 醫... 金...
 兩... 益... 矣...

高... 歸... 以... 餅... 而... 不... 散... 白... 米... 文... 除... 而... 未... 如... 回... 刺... 致... 遂... 滿... 然...



喘門

人有偶感風寒一時動喘氣急擡肩吐痰如湧喉中作水

雞聲此外感非內傷也倘誤認內傷少用補氣之味則

氣塞而不能言痰結而不可息矣治法宜用解表之味

然而純補之藥不可用而清補之藥未嘗不可施也方

用平喘仙丹麥冬五錢桔梗三錢甘草二錢半夏二錢

黃芩一錢山豆根一錢射干一錢白薇一錢烏藥一錢

蘇葉八分茯苓三錢水煎服一劑喘平再劑全愈不必

三劑也蓋外感之喘乃風寒之邪從風府而直入於肺

治外感

喘而不

寫執之以

治內傷



盡祛其痰而湧塞於咽喉之間看其病勢似重然較內傷之喘大輕也平喘仙丹專消肺邪而不耗肺之正氣肺氣而不助肺之火故下喉即慶安全也

此症用止聲

湯甚神

麻黃一錢 天門冬三錢 桔梗三錢 甘草茯苓各二錢
山豆根八分 射干 陳皮 半夏 青黛 各一錢 水煎服一
劑 愈

人有痰氣上冲於咽喉氣塞肺管作喘而不能取息其息不粗而無擡肩之狀者此氣虛而非氣盛也乃不足之症不可作有餘之火治之人身之陰陽原自相根而陰



陽中之水火不可須臾離也惟腎水太虛而後腎火無

制始越出於腎宮而關元之氣不能挽回直奔於肺而

作喘矣然而關元之氣微雖力不勝任以挽回其將絕

之元陽而猶幸其一線之牽連也則猶可救援於萬一

耳方用定喘神奇丹人參二兩牛膝五錢麥冬二兩北

五味二錢熟地二兩山茱萸四錢作湯煎服一劑而喘

少止二劑而喘更輕四劑而喘大定此方人參宜多用

不用至二兩則不能下達於氣海關元以生氣於無何

有之鄉非用牛膝不能下行且牛膝能平胃腎之虛火

喘治虛喘

重者病

寧少輕藥

可少試

及非多

藥不可實

方如論今

入治不足

之症公參

僅用幾分

則徒益上

焦之氣而



不能達下

愈增其喘

急而反歸

急必參竟

禁不用以

至危殆舉

世無不皆

然良足深

嘆此方妙

在多用地

黃佐以牛

膝而使之

歸元真神

術也然辨

症在於息

之不粗更

當導脈之

虛實耳

又能直補其下元之氣也麥冬益肺金非多用則自願

不暇何能生汪洋之水以救燎原之炎耶人喘則氣散

非五味子何以能收斂乎用熟地以益腎中之水也腎

水大足自不去泄肺金之氣然非多加則陰不能驟生

而火不可以遽制又益之以山茱萸以贊襄熟地之不

逮自能水火既濟而氣易還元也

此症亦可用參

熟桃蘇湯

人參熟地各一兩破故紙五分茯神麥冬各五錢胡

桃一箇生薑蘇子各一錢山萸巴戟天各二錢水煎

服



人有七情氣鬱結滯痰涎或如破絮或如梅核咯之不出
嚥之不下痞滿壅盛上氣喘急此內傷外感兼而成
者也此等之症最難治欲治內傷而外邪不能出欲治

外感而內傷不能愈然則終何以治之乎吾治其肝膽

而內傷外感俱皆愈也蓋肝膽乃陰陽之會表裏之間

也解其鬱氣而喘息可平矣方用加味逍遙散治之白

芍五錢白朮三錢當歸三錢柴胡一錢陳皮五分甘草

一錢茯苓三錢蘇葉一錢半夏一錢厚朴一錢水煎服

一劑而痰氣清再劑而痰氣更清四劑而喘急自愈病



成於鬱治鬱而諸症安得不速愈哉

此症用蘇葉破

結湯亦神

白芍茯苓各五錢半夏二錢蘇葉三錢甘草一錢
枳殼五分水煎服一劑氣通痰消安二劑全愈

人有久嗽之後忽然大喘不止痰出如泉身汗如油此汗

出亡陽本是不救之病而吾以為可救者以久嗽傷肺

而不傷腎也夫喘症多是傷腎人嗽之人未有不傷腎

者以肺金不能生腎水而腎氣自傷也然而傷肺以致

傷腎與竟自傷腎者不同蓋傷肺者傷氣也傷腎者傷

精也故傷肺以致傷腎者終傷氣而非傷精精有形而



氣無形無形者補氣可以生精卽補氣可以定喘有形者必補精以生氣又必補精以回喘也所以傷肺者易爲功不比傷腎者難爲力方用生脉散麥冬一兩人參

五錢北五味子二錢水煎服一劑而喘定再劑而汗止

三劑而痰少更加天花粉二錢白朮五錢當歸三錢白

芍五錢再服十劑全愈生脉散補氣之聖藥也補其肺

氣自生腎水矣腎得水而火不上沸則龍雷自安於腎

臟不必又去補腎也以視傷腎動喘者輕重不大相懸

殊哉

此症用歸氣

湯亦妙

麥冬三兩北五味三錢熟地三兩白木
二兩水煎服一劑而汗止十劑全愈

原自中醫本

之而天下生

此五錢再則十餘全愈本補精氣之望

三散而愈少更此大亦各二為白木正

正於此正和子二燈水煎服一劑而汗止

此症用歸氣湯亦妙

麥冬三兩北五味三錢熟地三兩白木

二兩水煎服一劑而汗止十劑全愈



怔忡明

人有得怔忡之症者一遇拂情之事或聽逆耳之言便覺
心氣怦怦上冲有不能自主之勢似煩而非煩似暈而
非暈人以爲心虛之故也然而心虛由於肝虛肝虛則
肺金必旺以心弱不能制肺也肺無火煨煉則金必制
木肝不能生心而心氣益困故補心必須補肝而補肝
尤宜制肺然而肺不可制也肺乃嬌臟用寒涼以制肺
必致傷損脾胃肺雖制矣而脾胃受寒不能運化水穀
則肝又何所取資而腎又何能滋益所以肺不宜制而

宜養也方用制仲湯治之人參五錢白朮五錢白芍一兩當歸一兩生棗仁一兩北五味一錢麥冬五錢貝母五分竹瀝十匙水煎調服一劑而怔忡少定二劑更安十劑全愈此方不全去定心而反去補肝以平木則火不易動補肺以養金則木更能靜笑木氣既靜則肝中生血自能潤心之液而不助心之焰怔忡不治而自愈矣

此症用栢蓮

湯亦佳

人參麥冬各五錢茯苓栢子仁丹皮各三錢丹參二錢半夏蓮子心各一錢生棗仁三錢水煎服一



劑安十

劑愈

人有得怔忡之症日間少輕至夜則重欲思一睡孰

可得者人以爲心虛之極也誰知是腎氣之乏乎

夜臥則心氣必下降於腎宮惟腎水大耗一如家貧客

至無力相延客見主人之窘迫自然不可久留徘徊岐

路實力傍皇耳治法大補其腎中之精則腎氣充足矣

方用心腎兩交湯熟地一兩山茱八錢人參五錢當歸

五錢炒棗仁八錢白芥子五錢麥冬五錢肉桂三分黃

連三分水煎服一劑卽熟睡二劑而怔忡定十劑全愈



矣此方補腎之中仍益之補心之劑似乎無專補之功
殊不知腎水既足而心氣若虛恐有不相契合之虞今
心腎兩有餘資主客分外加歡相得益彰矣况益之介
紹如黃連肉桂並投則兩相贊頌和美有不賦膠漆之
好者乎

此症用交合

湯亦效

人參五錢熟地二兩黃連三分肉桂
五分水煎服一劑即睡十劑全安

人有得怔忡之症心常忡忡不安常若有官事未了八欲
來捕之狀人以爲心氣之虛也誰知是膽氣之怯乎天

膽屬少陽心之母也母虛則子亦虛惟是膽氣雖虛創
便作怔忡之病不知臟腑之氣皆取決於膽膽氣一虛
而臟腑之氣皆無所遵從而心尤無主故怦怦而不安
者乃似乎怔忡而實非怔忡也治法徒補心而不補各
臟腑之氣則怔忡之病不能痊補各臟腑之氣而不補
膽之氣內無剛斷之風外有紛紜之擾又安望心中之
寧靜乎故必補膽之氣而後可以去怯也方川堅膽湯
白朮五錢人參五錢茯神三錢白芍二兩鉄粉一錢丹
砂一錢天花粉三錢生棗仁三錢竹茹一錢水煎服一

劑而膽壯二劑而膽更壯十劑而怵怵者不知其何因
去也此方肝膽同治之劑亦心膽共治之劑也肝與膽
爲表裏治膽而因治肝者兄旺而弟自不衰也心與膽
爲子母補膽而兼補心者子強而母自不弱也又有鎮
定之品以安神刻削之味以消痰更相佐之得宜卽是
怔忡未有不奏功如响者况非怔忡之真病乎

此症用龍齒壯

膽湯亦效

人參竹茹各三錢五味子遠志各一錢生棗仁一兩
白芍八錢當歸五錢龍齒醋煨研末五分水煎服

二劑
卽安

驚悸門

人有聞聲而動驚心中怵怵半日而後止者人以爲心虛
有痰也乃用消痰之藥治之不效久則不必聞聲而亦
驚且添悸病心中常若有來捕者是驚悸相連而至也
雖俱是心虛之症而驚與悸實有不同蓋驚之病輕於
悸悸之病重於驚驚從外來而動心悸從內生而動心
也若怔忡正悸之漸也故驚悸宜知輕重一遇怔忡卽
宜防驚一驚卽宜防悸然而驚悸雖分輕重而治虛則
一也方用安定湯黃芪一兩白朮五錢當歸五錢生棗

仁五錢遠志三錢茯神五錢甘草一錢熟地一兩半夏
二錢麥冬五錢栝子仁三錢玄參三錢木煎服一劑而
驚悸輕再劑更輕十劑全愈夫神魂不定而驚生神魂
不安而悸起皆心肝二部之血虛也血虛則神無所歸
魂無所主今用生血之劑以大補其心肝則心肝有血
以相養神魂何至有驚悸哉倘此等之藥用之驟效未
幾而仍然驚悸者此心肝大虛之故也改煎藥爲丸方
用鎮神丹人參四兩當歸三兩白朮五兩生棗仁三兩
遠志二兩生地三兩熟地八兩白芥子一兩茯苓三兩



栝子仁一兩龍骨一兩醋焯用虎睛一對陳皮三錢麥冬三兩各爲末蜜爲丸每日白滾水送下早晚各五錢一料全愈此方較前方更奇而神方中用龍虎二味實有妙義龍能定驚虎能止悸入之補心補腎之中使心腎交通而神魂自定也

此症用鎮心

丹亦效

人參白芍各一兩丹砂一錢鐵落一錢天花粉一錢山藥五錢遠志二錢生棗仁五錢茯苓三錢水煎服十劑全愈

人有先驚而後悸亦有先悸而後驚似乎不同而不知非



有異也不過輕重之殊耳但驚有出於暫而不出於崇
悸有成於暗而不成於明者似乎常暫明暗之不同然
而暫驚輕於常驚明悸重於暗悸吾定一方合驚悸而
治之名爲兩靜湯人參一兩生棗仁二兩菖蒲一錢白
芥子三錢丹砂三錢巴戟天一兩水煎服連服四劑驚
者不驚而悸者亦不悸也此方多用生棗仁以安其心
用人參巴戟天以通心腎心腎兩交則心氣通於腎而
夜能安腎氣通於心而日亦安也心腎交而晝夜安卽
可久之道也



此症用鎮心丹
亦可同治

并登象

卷之四 驚悸


三



辨言

卷一

三



南京中医药大学图书馆版权所有

虛煩門

人有遇事或多言而煩心生常若胸中擾攘紛紜而嘈雜
此陰陽偏勝之故火有餘而水不足也或謂心熱則火
動而生煩膽寒則血少而厭煩矣不知虛煩實本於心
熱膽則未嘗寒也夫膽則最喜熱而惡寒世人云膽寒
則怯者正言膽之不可寒也膽寒既怯何敢犯火熱之
心可見虛煩是心火之熱非膽木之寒矣古人用溫膽
湯以治虛煩而煩轉盛者正悞認膽寒也治法宜於補
心之中而用清心之味方名解煩益心湯人參二錢黃

虛煩



連一錢生棗仁三錢白朮一錢茯神三錢當歸二錢玄
參五錢甘草三分枳殼五分天花粉二錢水煎服一劑
煩止再劑煩除矣此方純是入心之藥清火而加入消
痰之藥者有火必有痰也痰火散而煩自釋矣况又有
補心之劑同羣並濟哉

此症用玄冬湯亦甚禱

玄參麥冬各二兩水煎服一劑而心安二劑全愈

人有年老患虛煩不寐大便不通常有一畏熱氣自臍下
直冲於心便覺昏亂欲絕人以為火氣之冲心也誰知
是腎水之大虧乎夫心中之液實腎內之精也心火畏

腎水之尅乃假尅也心火喜腎水之生乃真生也心得
腎之交而心乃生心失腎之通而心乃死虛煩者心
心之漸也惟是腎既上通於心何以濟下之氣上冲
心煩不知腎之交於心者乃腎水之交而非腎火之交
也腎水交於心而成既濟之泰腎火交於心而成未濟
之否故既濟而心安未濟而心煩耳老人孤陽無水熱
氣上冲乃腎火冲心也火之有餘實水之不足治法大
補腎中之水則水足以制火火不上冲而煩自止矣方
用六味地黃湯加品治之熟地一兩山茱萸五錢山藥

四錢茯苓三錢丹皮五錢澤瀉二錢白芍五錢麥冬五錢炒棗仁五錢北五味一錢柴胡五分甘菊三錢水煎服二劑而煩却四劑而大便通二十劑不再發六味丸湯所以滋腎水之涸也麥冬五味滋其化源白芍柴胡以平肝肝平而相火無黨不至引動包絡之火又得棗仁甘菊相制則心氣自舒而復有腎水交通有潤之樂而無燥之苦豈尚有虛煩之動乎

此症用濟心

丹亦效

熟地二兩麥冬玄參生棗仁各五錢丹皮地骨皮
 栝子仁兔絲子巴戟天各三錢水煎服十劑全愈



不寐門

人有晝夜不能寐心甚燥煩此心腎不交也蓋日不能寐者乃腎不交於心夜不能寐者乃心不交於腎也今日夜俱不寐乃心腎兩不相交耳夫心腎之所以不交者

心過於熱而腎過於寒也心原屬火過於熱則火炎於上而不能下交於腎腎原屬水過於寒則水沉於下而不能上交於心矣然則治法使心之熱者不熱腎之寒者不寒兩相引而自兩相合也方用上下兩濟丹人參

五錢熟地一兩白朮五錢山茱萸三錢肉桂五分黃連



五分水煎服一劑卽寐蓋黃連涼心肉桂溫腎二物同
用原能交心腎於頃刻然無補藥以輔之未免執者有
太燥之虞而寒者有過涼之懼得無地人參白朮山萸
以相益則交接之時既無刻削之苦自有歡愉之慶然
非多用之則勢卑力薄不足以投其所好而饜其所取
恐暫效而不能久效耳

此症用芡蓮

丹亦佳

人參茯苓玄參熟地生地蓮子心山藥
芡實各三錢甘草一錢水煎服四劑安

人有憂愁之後終日困倦至夜而雙目不閉欲求一閉目

而不得者人以爲心腎之不交也誰知是肝氣之太
乎夫憂愁之人未有不氣鬱者也氣鬱既久則肝氣不
舒肝氣不舒則肝血必耗肝血既耗則木中之血不
能潤於心而下必取汲於腎然而肝木大耗非杯水可
以灌溉豈能堪日日之取乎於是腎水亦枯而不能
供肝木之潤矣其後腎止可自救其焦釜見肝木之來
親有閉關而拒矣肝爲腎之子腎母且棄子而不顧况
心爲腎之仇又烏肯引火而自焚乎所以堅閉而不納
也治法必須補肝血之燥而益腎水之枯自然水可以



養木而肝可以交心也方用潤燥交心湯白芍一兩當
歸一兩熟地一兩玄參一兩柴胡三分菖蒲三分水煎
服一劑而肝之燥解再劑而肝之鬱亦解四劑而雙目
能開而熟睡矣此方用芍藥當歸以滋其肝則肝氣自
平得熟地以補腎水則水足以濟肝而肝之血益耗又
得玄參以解其心中之炎而又是補水之劑投之柴胡
菖蒲解肝中之鬱引諸藥而直入於心宮則腎肝之氣
自然不交而交也

此症用安睡

丹亦妙

白芍生地當歸各五錢甘草一錢熟地一兩山茱
枸杞各二錢甘菊花三錢水煎服二劑即閉目矣

劑全愈

人有夜不能寐恐鬼祟來侵睡臥反側輾轉不安或
而即驚醒或再睡而恍如捉拿人以為心腎不交而寤
知乃膽氣之怯也夫膽屬少陽其經在半表半裏之間
心腎交接之會也心之氣由少陽以交於腎腎之氣亦
由少陽以交於心膽氣既虛至不敢相延心腎二氣而
為之介紹心腎乃怒其閉門不納兩相攻擊故膽氣愈
虛驚悸易起益不能寐耳治法宜補少陽之氣然補少



陽又不得不補厥陰也蓋厥陰肝經與少陽膽經爲裏
裏補厥陰之肝正補少陽之膽耳方用肝膽兩益湯白
芍一兩遠志五錢炒棗仁一兩水煎服一劑而寐安二
劑而睡熟三劑而驚畏全失此方白芍入肝入膽佐以
遠志棗仁者似乎入心而不入膽不知遠志棗仁既能
入心亦能入膽况同白芍用之則共走膽經又何疑乎
膽得三味之補益則膽汁頓旺何懼心腎之相格乎

此症用無憂

湯亦甚妙

白芍五錢竹茹三錢炒棗仁三錢人參
三錢當歸五錢一劑睡寧四劑全愈



University of Toronto
CHINESE MEDICINE
中藥大學圖書館

人有神氣不安臥則魂夢飛揚身雖在床而神若遠離
聲則驚醒而不寐通宵不能閉目人以爲心氣之虛也
誰知是肝經之受邪乎夫肝主藏魂肝血足則魂安
血虛則魂越遊魂亦因虛而變也今肝血既虧肝臟之
中無非邪火之氣木得火而自焚魂將安寄自避出於
軀殼之外一若離魂之症身與魂分爲兩也然而離魂
之症與不寐之症又復不同離魂者魂離而能見物不
寐而若離魂者魂離而不能見物也其所以不能見物
者陰中有陽非若離魂之症純於陰耳治法祛肝之邪



而先補肝之血血足而邪自難留邪散而魂自歸舍矣
方用引寐湯白芍一兩當歸五錢龍齒末火煨二錢菟
絲子三錢巴戟天三錢麥冬五錢栢子仁二錢炒棗仁
三錢茯神三錢水煎服一劑而寐矣連服數劑夢魂甚
安不復從前之飛越也此方皆是補肝補心之藥而用
之甚奇者全在龍齒古人謂治魄不寧者宜以虎睛治
魂飛揚者宜以龍齒正取其龍齒入肝而能平木也夫
龍能變化動之象也不寐非動乎龍雖動而善藏動之
極正藏之極也用龍齒以引寐者非取其動中之藏乎

此亦古人之所未言余偶及之洩天地之奇也

此症用濯枝

湯亦效

炒梔子三錢甘草一錢白芍當歸炒棗仁各五錢丹
砂一錢遠志八分柴胡三分半夏一錢水煎服四劑
愈

人有心顫神憊如處孤壘而四面受敵達旦不能寐目眩
眇無所見耳聾聵無所聞欲少閉曉而不可得人以為
心腎之不交也誰知是膽虛而風襲之乎夫膽虛則怯
怯則外邪易入矣外邪乘膽氣之虛既入於膽之中則
膽氣無主一聽邪之所為膽欲通於心而邪不許膽欲



膽虛而邪
入邪入而
膽益虛不
補膽以精
邪此世人
之所為也
效也

辨證錄

卷之四

三

交於腎而邪又不許此目之所以眊眊而耳之所以聵聵也心腎因膽氣之不通亦各退守本宮而不敢交接故欲閉睫而不可得也夫膽屬少陽少陽者木之屬也木與風同象故風最易入也風乘膽木之虛居之而不出則膽畏風之威膽愈怯矣膽愈怯而又無子母之援何啻如臥新嘗膽之苦又安得悠然來夢乎治法必補助其膽氣而佐以祛風蕩邪之品則膽氣壯而風邪自散庶可高枕而臥矣方用祛風益膽湯柴胡二錢郁李仁一錢烏梅一箇當歸一兩川芎三錢麥冬五錢沙參



三錢竹茹一錢甘草一錢白芥子二錢陳皮五分水煎
服連服二劑而顫懾止再服二劑而見聞有所用
熟睡矣此方絕不治心腎之不交而性瀉膽木之
助膽木之真氣則膽汁不乾可以分給於心腎自然心
腎兩交欲不寐得乎

此症亦可用

助便湯

荆芥當歸各三錢防風天花粉各一錢川芎竹
茹各二錢枳殼獨活各五分水煎服二劑愈



辨證錄

卷四

三



北京中医药大学图书馆版权局

健忘門

人有老年而健忘者近事多不記憶雖人述其前事猶若
茫然此真健忘之極也人以為心血之涸誰知是腎水

之竭乎夫心屬火腎屬水水火似乎相尅其實相尅而

妙在相生心必藉腎以相通火必得水而既濟如止益

心中之血而不去填腎中之精則血雖驟生而精仍長

涸但能救一時之善忘而不能冀長年之不忘也治法

必須補心而兼補腎使腎水不乾自然上通於心而生

液然而老年之人乃陰盡之時補陰而精不易生非但

老人健忘
自然是心
腎之不足
邊補心而
是補腎兩
得之道也



藥品宜重而單恃煎湯恐有一時難以取勝之憂服湯劑之後以丸藥繼之始獲永遠之效也方名生慧湯熟地一兩山茱萸四錢遠志二錢生棗仁五錢柏子仁去油五錢茯神三錢人參三錢菖蒲五分白芥子二錢水煎服連服一月自然不忘矣此方心腎兼補上下相資實治健忘之聖藥苟能日用一劑不特却忘併有延齡之慶矣然而人必苦服藥也則丸方又不可不傳耳方名扶老丸人參三兩白朮三兩茯神二兩黃芪三兩當歸三兩熟地半觔山茱萸四兩玄參三兩菖蒲五錢柏



子仁三兩生棗仁四兩麥冬三兩龍齒三錢白芥子一兩各爲細末蜜爲丸丹砂爲衣每日晚間白滾水吞下三錢久服斷不健忘此方老少人俱可服而老年人尤宜蓋補腎之味多於補心精足而心之液生液生而心之竅啓竅啓而心之神清何至昏昧而善忘哉

此症亦可用

強記湯

熟地麥冬生棗仁各一兩遠志二錢水煎服三十劑不忌矣

人有壯年而善忘者必得之傷寒大病之後或酒色過度之人此等之病視若尋常而本實先匱最爲可畏世人

健胃以補
心腎二經
始得安益

往往輕之而不以為重久則他病生焉變遷異症而死
者多矣予實憫之故又論及此此種健忘乃五臟俱傷
之病不止心腎二經之傷也若徒治心腎恐胃氣甚弱
則虛不受補甚為可慮必須加意強胃使胃強不弱始
能分布精液於心腎耳方用生氣湯人參二錢白朮一
錢茯苓三錢遠志八分炒棗仁二錢熟地五錢山茱萸
二錢甘草三分神麴三分半夏三分麥冬一錢肉桂三
分菖蒲三分芡實三錢廣木香一分水煎服四劑而胃
口開十劑而善忘少矣連服三十劑全愈此方藥味多

而分兩輕者以病乃久虛之症大劑恐有阻滯之憂味
少恐無調劑之益所以圖功於緩而奏效於遠也扶助
胃氣而仍加意於補心腎二經則五臟未嘗不同補也
有益無損殆此方之謂歟

此症亦可用強記湯

加人參三錢治之

人有氣鬱不舒忽忽如有所失自前之事竟不記憶一如
老人之善忘此乃肝氣之滯非心腎之虛耗也夫肝氣
最急鬱則不能急矣於是腎氣來滋至肝則止心氣來
降至肝則回以致心腎兩相間隔致有遺忘也治法必

通鬱湯可

兼治諸鬱

治陰虛而

兼鬱者尤

五

須通其肝氣之滯而後心腎相通何至有目前之失記乎然而欲通肝氣必須仍補心腎要在於補心補腎之中而解其肝氣之鬱則鬱猶易解不至重鬱否則已結之鬱雖開而未結之鬱必至重結矣方用通鬱湯白芍一兩茯神三錢人參二錢熟地三錢玄參三錢麥冬三錢當歸五錢柴胡一錢菖蒲五分白芥子二錢白朮五錢水煎服一劑而鬱少解二劑而鬱更解四劑而鬱盡解此方善於開鬱而又無刻削乾燥之失直解其肝中之沉滯使肝血大旺既不取給於腎水復能添助夫心



火心肝腎一氣貫通寧尙有遺忘失記之病哉

此症可用

存注丹

白芍白朮生地各三錢麥冬栢子仁各五錢甘草黃
蒲各一錢柴胡天花粉各二錢青皮三分水煎服四

劑愈

人有對人說話隨說隨忘人述其言杳不記憶如從前並

不道及人以爲有祟憑之也誰知是心腎之兩開乎夫

心腎交而智慧生心腎離而智慧失人之聰明非生於

心腎而生於心腎之交也腎水資於心則智慧生生不

息心火資於腎則智慧亦生生無窮苟心火亢則腎畏



火炎而不敢交於心腎水竭則心惡水乾而不肯交於
腎兩不相交則勢必至於兩相忘矣夫心腎如夫婦也
夫婦乖離何能記及於他事乎治法必須大補心腎使
其相離者重復相親自然相忘者復能相憶耳方用神
交湯人參一兩麥冬一兩巴戟天一兩栝子仁五錢山
藥一兩芡實五錢玄參一兩丹參三錢茯神三錢菟絲
子一兩水煎服連服十劑卽不忘矣服一月不再忘此
方似乎重於治心而輕於治腎不知夫婦之道必男求
於女而易於相親重於治心者正欲使心之先交於腎

也然而方中之妙無一味非心腎同治之藥是治心無
非治腎也而交腎仍無非交心也兩相交而兩相親寧
有再忘者乎

此症可用天絲飲亦效
巴戟天一兩菟絲子一兩水煎服十劑即不忌




南京中醫藥大學圖書館藏

五
金

卷之四

三



北京中医药大学图书馆版

癩癩門

人有素常發癩久而不效口中喃喃不已時時忽忽不知時而叫罵時而歌唱吐痰如蜒蚰之涎人皆謂痰病也然以消痰化涎之藥與之多不效蓋此症乃胃中少有微熱而氣又甚衰故症有似於狂而非狂有似於癩而非癩也治法宜補胃氣而微用清火之藥可以奏功然而胃土之衰由於心火之弱胃火之盛由於心火之微未可徒補胃土而清胃火也方用助心平胃湯人參五錢茯苓一兩貝母三錢神麴一錢肉桂三分甘草一錢



甘菊三錢菖蒲一錢生棗仁五錢水煎服一劑而癩止
半再劑而癩盡除也此方補胃氣以生心氣助心火而
平胃火故心既無傷而胃又有益不必治癩而癩自止
矣

此症用天半神

丹亦神效

巴戟天三兩半夏三錢水煎
服一劑即止癩十劑不再發

人有壯年之人痰氣太盛一時跌仆口作牛馬之鳴者世
人所謂牛馬之癩也其實乃虛寒之症痰入心包也夫
心屬火而心包亦屬火也心喜寒而心包喜溫所以寒

氣一入包絡卽拂其性矣况又有痰氣之侵乎夫人身
之痰五臟六腑無不相入安在犯包絡之卽至於迷忘
乎也絡爲心君之相凡有痰侵心包絡先受之包絡衛
心惟恐痰之相犯故痰氣一入卽呼諸臟腑來相救援
作牛馬之聲者所謂痛不擇聲也治法急救其心不若
急救其包絡方用濟艱湯白朮五錢人參五錢茯神三
錢菖蒲五分遠志一錢栝子仁三錢半夏三錢天花粉
一錢南星一錢附子一錢神麩一錢水煎服一劑而癩
止再劑全愈連服八劑此症永絕不再發方中雖是救

包絡之藥其實仍是救心之味也心安而包絡更安况
附子南星俱是斬關奪門之將指揮如意而外邪遁賊
掃蕩無遺可慶救寧之福也

此症用菖薑
湯亦神效

人參五錢肉桂二錢半夏三錢白朮一兩茯苓
神五錢菖蒲一錢良薑五分水煎服十劑愈

小兒易於發癲癇者雖因飲食失宜亦由母腹之中先受
驚恐之氣也故一遇可驚之事便跌仆吐涎口作猪羊
之聲世醫謂是猪羊之癲用祛痰搜風之藥而益甚絕
不悟其先天之虧損而大補其命門臆中之火所以愈

此症用溫養

湯亦妙

人參二錢白朮三錢肉桂五分半夏八分乾薑五分水煎服一劑止四劑全愈

婦人一時發癲全不識羞見男子而如怡遇女子而其怒

往往有赤身露體而不顧者此乃肝火熾盛思男子而

不可得鬱結而成癲也夫肝火熾盛何便成癲蓋婦人

肝木最不宜旺旺則木中生火火逼心而焚燒則心中

不安有外行之失矣然而心宮之外有包絡之護何以

不為阻隔任其威逼乎不知肝木之火乃虛火也虛火

與相火同類庇匪比之朋忘聖明之戴聽其直燒心中



而不顧也然而心君出走宜有死亡之虞何以但癩而
不死蓋有腎水之救援耳思男子而不可得者因腎經

之旺也雖所旺者半是腎火而腎水實未涸也有肝火

之相逼卽有腎水之相滋所以但成癩痴而未至天喪

耳治法宜瀉其肝火補其腎水而兼舒其鬱悶之氣為

得也方用散花丹柴胡二錢炒梔子五錢白芍二兩當

歸一兩生地一兩熟地二兩玄參二兩天花粉二錢陳

皮一錢茯神五錢水煎服一劑而癩輕二劑而羞惡生

三劑而癩失必閉門不見人也此方全去瀉肝之火不

加皮
錢以去
相火



去耗肝之血疏肝之鬱不去散肝之氣補腎中之精不
去救心中之焰水足則木得所養而火自息於木內火
息則神得所安而魂自返於肝中况有消痰利水之劑
則痰氣盡消各化爲水同趨於膀胱而出矣

此症用梔連瀉

火湯亦甚效

生地一兩當歸丹皮各五錢炒梔子天花粉各三錢
黃連二錢吳茱萸一錢水煎服一劑而癩輕二劑全
愈○此方兼可治熱入
血室少加柴胡一錢

人有人干戈之中爲賊所執索金帛不與賊褫其衣將受
刃得釋遂失心如癡人以爲失神之病也誰知是膽落



之病乎夫膽附於肝者也因驚而膽墮者非膽之果落於肝中也蓋膽中之汁味散而不收一如膽之墮落於

肝耳膽既墮落則膽中之汁盡爲肝之所收則肝強膽弱而心不能取決於膽心卽忽忽如失一如癡痴之症

矣治法瀉肝氣之有餘補膽氣之不足則膽汁自生而癡痴可愈矣方用却驚丹治之附子三分陳皮一錢白

朮三錢當歸五錢丹砂一錢鐵粉一錢茯神三錢遠志一錢半夏一錢人參三錢薄荷一錢天花粉二錢南星

一錢各爲細末蜜爲丸如彈子大薑湯送下一丸而驚



氣卽收矣連服三九而癲痴自愈不必盡罷此方安神
定志之聖方也方中全在用鐵粉爲神鐵粉者鐵落也
最能推抑肝邪而又不損肝氣肝與膽同類均木之家
也木畏金刑故用鐵落以制肝非取其金尅木之意乎
金尅肝木未必不金尅膽木矣然而肝木陰木也膽木
陽木也鐵落尅陰木而不尅陽木故制肝而不制膽所
以旣伐肝邪卽引諸藥直入膽中以生膽汁不獨取其
化痰而靜鎮也

此症用收驚

湯亦效



當歸山茱萸各一兩白芍二兩北五味二錢附子
三分水煎服一劑驚收二劑再不痴矣三劑全愈

人有思慮過度耗損心血遂至癲疾或哭或笑或裸體
走或閉戶自言喃喃不已人以爲花癲之病也誰知是

失志之癲乎夫思慮過多必傷於脾脾氣一損即不能

散精於肺肺氣又傷而清肅之令不行而脾氣更傷矣

且脾者心之子也脾病而心必來援猶子病而母必來

顧心見脾氣之傷以至失志則心中無主欲救而無從

欲忘而不得呼隣而不應忌仇而相侵於是自忘其身

將爲從井之事見人而嚙嚙背客而絮叨遂至於癲而

大約癲病
多生於痰
虛痰非補
虛不能奏
效



不自覺也治法非急清其心不可然而心病由於脾病也補心以定志更不若補脾以定志之爲禪方用歸神湯人參五錢白朮一兩巴戟天一兩茯神五錢紫河車一具半夏三錢陳皮一錢甘草一錢丹砂一錢菖蒲一錢麥冬五錢栢子仁三錢不去油白芥子三錢各爲末先將紫河車淨水煮熟不可去血絲搗爛將各藥末再搗爲丸白滾水送下五錢連服數日而癩如失也此方心脾同治之藥也雖消痰而不耗氣用紫河車者以紫河車爲先後天之母更能歸神於頃刻神得河車而有

依則志即依神而相守不特已失者重回而既回者亦
能永固也

此症用加味温

養湯亦效

人參一兩白朮二兩麥冬一兩半夏三錢
肉桂一錢水煎服二劑少愈十劑全愈



卷之四

四

吳



南京中医药大学图书馆版权所有

狂病門

人有熱極發狂登高而呼棄衣而走氣喘發汗如雨此陽
明胃經之火也夫陽明之火何以能使人登高而呼乎

蓋火性炎上內火熾騰則身自飛揚矣熱鬱於胸得呼

則氣泄矣衣所以蔽體者也內熱既盛衣之覆體不啻

如焚棄之則快又何顧焉火刑肺金自然大喘喘極而

肺金受傷不能自衛夫皮毛腠理開泄陰不攝陽逼其

汗而外出有不可止遏之勢汗既盡出心無血養神將

飛越安得而不發狂平方用加味白虎湯救之人參二

狂疾
俱亡
極境不狂
極



兩石膏三兩知母五錢茯苓五錢麥冬三兩甘草一錢
半夏三錢竹葉二百片糯米一撮水煎服一劑而狂定
再劑而熱止矣不可用三劑也此症非用白虎湯以急
救胃火則腎水立時熬乾身成黑炭矣然而火勢燎原
非杯水可救必得滂沱大雨則滿山遍野之焰始能盡
行撲滅也

此症用坎水

湯亦效

石膏一兩玄參二兩甘草一錢天花粉三錢炒梔
子三錢車前子二錢水煎服一劑狂定再劑全愈
人有火起發狂腹滿不得臥面赤心熱妄見妄言如見鬼

狀此亦陽明胃火之盛也然胃火是陽症而妄見妄言
如見鬼狀又是陰症何也陽明之火盛由於心包之火
盛也陽明屬陽而心包屬陰心包與陽明之火一齊並
動故腹滿而不得臥倘僅有胃火之動而心包之火不
動雖口渴腹滿而尚可臥也唯心包助胃火而齊動遂
至心神外越而陰氣乘之若有所見因而妄有所言如
見鬼而實非真有鬼也治法仍宜瀉胃之火而不必瀉
心包之火蓋胃爲心包之子心包爲胃之母也母盛而
子始旺然子衰而母亦弱耳瀉胃火非卽瀉心包之火



瀉子湯

不及白虎

湯之迅速

然能多用

其功效又

勝於白虎

試之而

以驗故特

錄之

平方用瀉子湯玄參三兩甘菊花一兩知母三錢天花

粉三錢水煎服一劑而胃火平二劑而心包火亦平矣

二火既平而狂病自愈論理此症可用白虎湯子嫌白

虎湯過於峻削故改用瀉子湯以此症心包屬陰用白

虎湯以瀉陽畢竟有傷陰氣不若瀉子湯既瀉其陽而

又無損其陰之為愈也或曰母盛而子始旺瀉心包之

火可也何以瀉胃子之火耶不知五臟六腑之火最烈

者胃火也胃火一熾將腎水立時燥乾故必須先救胃

火胃火息而心包之火亦息矣倘先瀉心包之火而寒



涼之藥不能先入心包必由胃而後入假道滅虢不反
動胃火之怒乎不若直瀉胃火既能制陽又能制陰而
有所得也

此症用二石

湯亦神

人參五錢石膏五錢寒水石二錢茯苓三錢牛
夏二錢丹皮五錢水煎服一劑狂定二劑全愈

人有易喜易笑狂妄譫語心神散亂目有所見人疑爲胃
火之熱也不知此病非胃熱也乃心熱耳心熱發狂膈
中之外衛謂何亦因心過於酷熱則包絡膈中何敢代
心以司令聽心中之自主而喜笑不節矣譬如君王恣



肆以擅威宰輔大臣不敢輕諫則近侍左右無非便佞
之流自然聲色可以娛心言語可以博趣此偏喜偏愛
之所必至也於是所發之令無非亂政及至今不可行
而渙散之景象有同鬼域矣人心之發熱何獨不然然
而心中發狂以至神越宜立時暴亡矣何以仍能苟延
日月耶不知心熱之發狂不同於胃熱之發狂胃之發
狂乃外熱而犯心心之發狂乃內熱而自亂故胃狂有
遽亡之禍而心狂有苟延之倖也治法必以清心為主
心清而狂自定矣方用清心丹黃連三錢茯神五錢生



棗仁五錢人參三錢麥冬一兩玄參一兩丹參三錢
煎服一劑而神定再劑而狂定不必用三劑也黃連
以清心火然徒用黃連則心火正燥恐黃連性燥
其燥所以又益人參丹參麥冬之類潤以濟之蓋火有
餘自然氣不足補氣以瀉火則心君無傷可靜而不可
動矣

此症用解妄

湯亦效

人參一兩黃連茯神栢子仁玄參丹參各三錢生棗
仁五錢甘草一錢肉桂二分水煎服一劑狂定二劑
全愈



人有身熱發狂所言者無非淫亂之語所喜者無非歡愉
之事一拂其言一違其事則狂妄猝發見神見鬼人以
爲心熱之極也誰知是心包之熱乎夫心包爲心君之
副心中安靜胡爲任包絡之拂亂乖張至此蓋君弱臣
強心中寒極不能自主耳譬如庸懦之主朝綱解散乃
寄其權於相而相臣植黨營私生殺予奪悉出其手奉
一令者立即稱揚違命者輒加苛斥聞順情之辭則喜聽
逆耳之言則怒顛倒是非違背禮法心包生疑若有所
見心包熱狂正復相似治法白應瀉心包之火然而徒



治心包而心中內寒愈有震驚之嫌必須補助其心使
心氣不弱而後呼召外人可清震主之賊矣苟或藥海
心包之火則心包且有犯逆之危非治法之善也方用
衛主湯人參一兩茯苓五錢玄參一兩天花粉三錢麥
冬五錢生地五錢丹皮三錢水煎服一劑而身熱止二
劑而狂妄定四劑而喜怒得其正矣方中止玄參生地
丹皮乃清心包之藥其人參茯苓麥冬仍是補心之品
心強而心包之火自弱矣况玄參生地丹皮雖瀉心包
而亦是補心之劑自然撥亂爲安化奸爲忠也或謂心



中虛寒用人參以補虛是矣然用玄參丹皮生地之類
雖涼心包獨不益心之寒乎似乎宜加熱藥以濟之也
嗟乎心寒用熱藥理也然而心包火旺用助火之藥以
益心必由心包而後能入火性炎蒸心未必得益而轉
助心包之焰矣故不若用人參以助心之為得蓋人參
亦能助心包非心包所惡用玄參之類共入之自然擁
衛其心指揮羣藥以掃蕩炎氣將心氣自旺寒變為溫
何必用熱藥以生變哉

此症用正心

湯亦神效

人參熟地各一兩玄參麥冬各二兩菖蒲
一錢白芥子三錢水煎服一劑輕二劑愈

人有為強橫者所折辱憤懣不平遂病心狂時而持刀時
而踰屋披頭大叫人以為陽明胃火之盛也誰知是陽
明胃土之衰乎夫陽明火盛必由於心火之大旺也心
火旺而胃火盛是火生夫土也心火衰而胃火盛是土
敗於火也火生土而胃安土敗火而胃變雖所變有似
然真火之盛而中已無根欲土崩瓦解而不可救矣夫
狂症皆是熱而余以此為虛熱而非實熱孰肯信之不
知臟腑實熱可以涼折而虛熱必須溫引然而陽明胃

王素能
受此後
可法入道
破



經之虛熱又不可全用溫引也於溫中而佐之微寒之
品實治法之善者蓋陽明虛熱乃內傷而非外感也因
憤懣而生熱不同於邪入而生熱也明甚以邪熱為實
熱而正熱為虛熱耳方用平熱湯人參五錢黃芪一兩
甘草一錢麥冬一兩黃芩一錢青皮五分竹瀝一合白
芍五錢茯苓三錢棗仁三錢炒梔子五分天花粉三錢
柴胡五分水煎服二劑而狂輕四劑而狂定服一月而
安然熟臥矣此方變竹葉石膏湯以治陽明之虛熱也
甘溫以退大熱復佐之以甘寒使陽明之火相順而不

逆轉能健土於火宅之中消烟於餘氛之內土既有根
火亦自息何狂之不去乎倘以為實熱而用竹葉石膏
也去生自遠矣

此症用舒憤

湯亦神效

白芍二兩炒梔子五錢玄參一兩天花粉三錢
柴胡一錢水煎服一劑狂定再劑愈三劑全愈

人有忍饑過勞忽然發狂披髮裸形罔知羞惡人以為失
心之病也誰知是傷胃而動火乎夫胃屬陽明陽明火
動多一發而不可止世皆謂胃火宜瀉而不宜補然而
胃實可瀉而胃虛不可瀉也經云二陽之病發心脾二



陽者正言胃也胃爲水穀之海最能容物物入胃而消
胃亦得物而養物養胃而火靜胃失物而火動矣及至
火動而胃土將崩必求救於心脾心見胃火之沸騰而
心神有切膚之痛白擾亂而不寧脾見胃火之焚燒而
脾之意有震隣之恐亦紛紜而無定失其歸依安得而
不發狂哉治法不必安心之神奠脾之意也仍救其胃
氣之存而狂自可定也雖然救胃氣者必救胃土也欲
救胃上而不少殺胃火則胃氣亦未能獨存耳方用救
焚療胃湯人參一兩玄參一兩竹瀝一合陳皮三分神



麴五分山藥五錢百合五錢水煎服一劑而狂定再劑
而狂止三劑全愈此方大用人參以救胃土即兼用之
參以殺胃火又益之羣藥以調停於心肺脾腎之間使
肝不敢來傷胃土則胃氣尤易轉也胃氣一轉胃傷可
補胃既無傷而心之神脾之意又寧有擾亂紛紜之患
乎此狂之所以易定耳

此病用過火

湯亦神效

人參白朮生地各五錢玄參一兩甘草一錢知母
錢天花粉二錢陳皮五分神麴一錢丹皮五錢水
服一劑狂定
再劑全安





呆病門

人有終日不言不語不飲不食忽笑忽歌忽愁忽哭與之
美饌則不受與之糞穢則無辭與之衣不服與之草木
之葉則反喜人以爲此呆病不必治也然而呆病之成
必有其因大約其始也起於肝氣之鬱其終也由於胃
氣之衰肝鬱則木尅土而痰不能化胃衰則土制水而
痰不能消於是痰積於胸中盤據於心外使神明不清
而成呆病矣治法開鬱逐痰健胃通氣則心地光明呆
景盡散也方用洗心湯人參一兩茯神一兩半夏五錢

陳皮三錢神麴三錢甘草一錢附子一錢菖蒲一錢生
棗仁一兩水煎半碗灌之必熟睡聽其自醒切不可驚
醒反至難愈也此等病似乎有祟憑之然而實無祟也
卽或有祟不可治邪補正而邪自退蓋邪氣之實亦因
正氣之虛而入之也此方補其正氣而絕不去祛邪故
能一劑而奏效再劑而全愈或謂此病既是正虛無邪
何以方中用半夏陳皮如是之多乎不知正虛必然生
痰不祛痰則正氣難補補正氣而因之祛邪是消痰仍
是補正也雖然痰消而正氣旺是痰卽邪也補正而佐

以攻痰引祛痰之藥直入於心宮以掃蕩其邪邪見正
氣之旺安得不消滅於無踪哉或又謂呆病既成於鬱
不解鬱而單補正以攻痰何以能奏功如此不知呆病
之來其始雖成於鬱然鬱之既久而成呆其從前之鬱
氣久則盡亡之矣故但補胃氣以生心氣不必又治肝
氣以舒鬱氣也

此症用還神至

聖湯亦神

人參一兩白朮二兩茯神生棗仁各五錢廣木香天
南星荆芥各三錢甘草良薑附子枳殼各一錢菖蒲
五分水煎灌之聽其
自臥醒來前症如失



中國醫藥大學圖書館版

人有呆病終日閉戶獨居口中喃喃多不可解將自己衣服用針線密縫與之飲食時用時不用嘗數日不食而不呼饑見炭最喜食之謂是必死之症尙有可生之機也夫呆病而至於喜糞尙爲可救豈呆病食炭反忍棄之乎蓋喜糞乃胃氣之衰而食炭乃肝氣之燥凡飲食之類必入於胃而後化爲糟粕是糞乃糟粕之餘也糟粕宜爲胃之所不喜何以呆病而轉喜之乎不知胃病則氣降而不升於是不喜升而反喜降糟粕正胃中所降之物也見糞而喜者喜其同類之物也然而呆病見

藥則喜未嘗見猴則食也若至於食藥則不可治

其胃氣太降於至極耳夫炭乃木之燼也呆病成於鬱

鬱病必傷肝木肝木火焚以傷心則木爲心火所尅肝

中之血盡燥而木爲焦枯之木矣見炭而喜食者喜其

同類而食之思救其肝木之燥耳然而可生之機全在

食炭夫炭本無滋味今食之而如飴是胃氣之未絕也

治其胃氣而祛其痰涎則呆病可愈也方用轉呆丹入

參一兩白芍三兩當歸一兩半夏一兩柴胡八錢生棗

仁一兩附子一錢菖蒲一兩神麴五錢茯神一兩天花



粉三錢栢子仁五錢水一碗煎一碗使強有力者抱住
其身另用二人執拿其兩手以一人托住其下頷一人
將羊角去尖插其口灌之倘不肯服不妨以杖擊之使
動怒氣而後灌之服後必然罵詈少頃必倦而臥聽其
自醒切不可驚動自醒則全愈否則止可半愈也此方
大補其心肝之氣血加之祛痰開竅之藥則肝中枯渴
得滋潤而自甦心內寡弱得補助而自旺於是心氣既
清肝氣能運力能祛逐痰涎隨十二經絡而盡通之何
呆病之不可愈哉倘或驚之使醒則氣血不能盡通而



經絡不能盡轉所以止可半愈也然能再服此湯亦未
有不全愈者矣

此症用麩心

湯亦神效

白芍當歸各三兩人參茯苓各一兩半夏炒梔子柴
胡各三錢附子三分生棗仁五錢吳茱萸黃連各五
分水十碗煎一碗灌之
聽其自睡醒來病如失

人有一時而成呆病者全不起於憂鬱其狀悉與呆病無
異人以爲有祟憑之也誰知是起居失節胃氣傷而痰
迷之乎夫胃屬土喜火之生者也然而火能生土而亦
能害土火不來生則土無生氣火過來生則土有死氣



矣雖然土中之火本生土者也如何生土者反能害土
豈火爲外來之邪火而非內存之正火乎孰知邪火固
能害土而正火未嘗不害土也正火者土中之真火如
何能害土乎蓋正火而能養則火且生土以消食正火
而相傷則火且害土以成痰痰成而復傷其胃土則火
且迷心輕則成呆而重則發厥矣起居失節則胃中勞
傷不生氣而生痰一時成呆者乃痰迷於心腕之下尙
未直入於心包之中也倘入心包則人且立亡矣治法
宜生其胃氣而佐之消痰之品則痰迷可以再開不必

竟治其呆也方用啓心救胃湯人參一兩茯苓一兩

芥子三錢菖蒲一錢神麴三錢半夏二錢南星二錢黃

連一錢甘草一錢枳殼五分水煎服一劑而痰解再劑

而神清三劑而呆病如失不再呆也此方全去救心正

所以救胃也蓋胃爲心之子心氣旣清而胃氣安有不

清者乎母清而子亦清也設作呆病治之亦用附子斬

關直入則火以助火有頃刻發狂而死矣總之呆病成

於歲月之久而不成於旦夕之暫若一時而成呆者非

真呆病也故久病宜於火中補胃以消痰而猝病宜於

同一補胃
消痰而寒



寒中補胃以消痰又不可不知也

此症用指迷

湯亦效

人參五錢白朮一兩半夏神麩各三錢南星甘草各一錢陳皮菖蒲各五分附子三分肉豆蔻一枚水煎

服四劑愈



呃逆門

人有忽然呃逆不止爲是寒氣相感証知是氣逆而寒之也然氣之所以不順乃氣之不足也蓋丹田之氣旺則氣守於下焦而氣順丹田之氣不足則氣奔於上焦而氣逆矣呃逆雖是小症然治之不得法往往有變成危症而不可救正徒散其寒而不補其氣也治法宜大補其丹田之氣而少佐之以祛寒之藥則氣旺而可以接續寒去而足以升提故不必止呃逆而呃逆遂自止也方用定呃湯人參三錢白朮五錢丁香五分陳皮五

分茯苓五錢沉香末一錢牛膝一錢水煎服一劑而呃
逆止矣參苓白朮純是補氣回陽之藥丁香祛寒沉香
牛膝降入丹田以止其逆逆氣既回而呃聲自定孰謂
補氣之藥非卽轉氣之湯哉

此症用加味六

君子湯亦妙

人參半夏蘇葉各一錢白朮茯苓各三錢陳皮五分
甘草三分丁香二分水煎服一劑卽止呃二劑全愈
人有痰氣不清一時作呃逆之聲者人以爲火逆作祟也
夫火逆之痰口必作渴今不渴而呃逆仍是痰氣之故
而非火邪之祟也夫痰在胃口而呃逆在丹田何以能

致此耶蓋丹旧之氣欲升而痰結胸中以阻之此種呃逆較虛呃者甚輕治法消其痰氣而呃逆自除方用陳湯加減治之人參五分陳皮五分半夏一錢甘草三分厚朴一錢茯苓三錢水煎服一劑即愈二陳湯為治痰之妙劑加入人參厚朴於補氣之中而行降氣之藥自能祛痰於上焦達氣於下焦也

此症亦可用加味六君子湯治之

人有口渴飲水忽然呃逆者非水氣之故乃火氣之逆也人若胃火太盛必大渴呼水矣今但渴而不大飲水者

乃胃火微旺而胃氣猶虛也故飲水雖快而多則不能
易消火上冲而作呃逆耳治法宜補其胃中之土而降
其胃中之火則胃氣自安而胃火自息呃逆亦自止矣
方用平呃散玄參白朮各五錢人參二錢茯苓甘菊棧
麥冬各三錢甘草五分水煎服一劑卽平此方降胃火
而又不耗胃氣所以奏功實神倘以爲胃火之盛而輕
用石膏雖亦能取勝而終於胃土有傷呃逆除而他病
又生矣不若此方之和平而又神也

此症用兩宜

湯亦妙

人參二錢 茯苓白朮各五錢 甘草 澤瀉 黃連各一錢
肉桂三分 陳皮五分 天花粉二錢 柴胡三分 冰煎服
二劑 愈

人有氣惱之後肝又血燥肺又氣熱一時呃逆而不
以爲火動之故也誰知亦是氣逆而不舒乎蓋肝性最
急一拂其意則氣必下尅脾土而脾土氣閉則腰膈之
間不通氣乃上奔於咽喉而作呃逆矣倘亦用降火降
氣之藥則呃逆更甚必須用散鬱之劑而佐以消痰潤
肺之藥始爲得之方用解呃丹 茯苓神三錢 白芍三錢 當
歸二錢 白朮五錢 蘇葉五分 麥冬五錢 白芥子三錢 柴



胡一錢水煎服一劑而呃逆即止此方為散鬱之神方
不特治呃逆已也用白朮以利腰膈之氣用柴芍當歸
以舒肝膽之氣用蘇葉麥冬以潤肺金之氣用茯苓以
通心與膀胱之氣用白芥子以宣膜膈之氣是一身上
下之氣盡行流通又何虞下焦之氣不上升於咽喉乎
故一劑而收功也

此症亦可用

平順散

柴胡甘草烏藥各一錢白芍三錢香附白芥
子川芎各二錢砂仁一粒水煎服二劑即止

人有呃逆時作時止者乃氣虛而非氣滯也夫氣旺則順



氣衰則逆五行之道也凡逆之至者皆衰之極耳惟是
氣衰而呃逆者不比痰呃與火呃也補其氣之虛而呃
逆自止倘不知補氣而惟從事於消痰降火則輕
重而重必入死矣况痰火之呃亦虛而致不惟寒呃之
成於虛也方用六君子湯加減治之人參三錢白朮一
兩茯苓三錢陳皮一錢甘草三分半夏二錢柿蒂三枚
水煎服連服三劑而呃逆自除此方乃治胃之聖劑胃
氣弱而諸氣皆弱胃氣旺而諸氣皆旺故補胃氣正所
以補諸氣也氣既旺矣加以柿蒂之能轉呃自然氣轉



於須臾而呃逆頓止矣且胃又多氣之腑也諸氣之逆皆從胃始然則諸氣之順何獨不由胃始哉

此症亦可用加

味木苓湯

人參白朮各五錢茯苓三錢半夏二錢
竹瀝一合附子三分水煎服二劑愈

辨諸錄卷之四終

